

Faruk Selmanović
Zastupnik u Skupštini Kantona Sarajevo
Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
Kolegiju Skupštine Kantona Sarajevo

Uputiti: Vladi Kantona Sarajevo i Zavodu Zdravstvenog osiguranja Kantona Sarajevo

PREDMET: INICIJATIVA

Poštovani,

U skladu sa članom 213. Poslovnika Skupštine Kantona Sarajevo, podnosim inicijativu Vladi Kantona Sarajevo i Zavodu Zdravstvenog osiguranja Kantona Sarajevo, da povratnicima u RS, obezbjede nesmatano liječenje, odnosno pružanje zdravstvenih usluga u Kantonu Sarajevo, koje su imali do sada.

Obrazloženje

Ovih dana, su se povratnici u manji bosanskohercegovački entitet RS našli u velikim problemima, nakon odluke da više ne mogu koristiti zdravstvene usluge u Kantonu Sarajevo. Naime, povratnici u RS, koji su prijavljeni u mjestu povratka, su pravo na liječenje godinama koristili s ličnim kartama iz RS-a u Kantonu Sarajevo, a posljednjih dana, prilikom javljanja za ovjeru knjižice ili propisivanje lijekova, dobivaju negativne odgovore i upućuje ih se da pravo na zdravstvenu zaštitu potraže u ustanovama u RS-u. U prijeratna mjesta življenja, su se vratili sa namjerom da žive i koriste svoja prava, kao i drugi građani, međutim nakon ove odluke pitanje je hoće li i mogu li ostati u mjestu gdje su prijavljeni. Uglavnom se radi o starijoj populaciji, koji su svoj radni vijek uglavnom proveli u FBiH i tu i ostvarili zasluženu penziju. Navedeno će izazvati dodatne probleme, zbog kojih povratnici neće moći ostvariti prava na različite vidove pomoći. U slučaju da se prijave na ZZO RS, najbliže zdravstvene ustanove u RS su stotinu i više kilometara udaljena Foča ili Zvornik.

Time se povratnicima ukida osnovno ljudsko pravo, pravo na liječenje, a povratnici su izloženi raznim poniženjima i uvredama.

Ova inicijativa ima za cilj, da ljudima koji preživjeli progone, koji su diskriminisani, omogućiti elementarno ljudsko pravo na zdravstvenu zaštitu, jer povratnici nisu brojke nego ljudi, heroji i svjedoci opstanka naše države.

S poštovanjem,

Sarajevo, 1.10.2025. godine

Faruk Selmanović, Zastupnik u Skupštini Kantona